

## O telecentro de Melisanto acolleu unha charla do Leader

O Telecentro da Cooperativa Melisanto foi o lugar elixido para informar con detalle a tódalas asociacións susceptibles de formar parte do PDR 2007-13, Programa de Desenvolvemento Rural, sobre as súas liñas de actuación en materia de desenvolvemento neste ámbito e que están cofinanciadas con fondos europeos. A charla dirixida polo subdirector da Axencia Galega de desenvolvemento Rural, Fernando Veiga, reuniu a tódolos representantes de entidades económicas, sociais, culturais, veciñais, medioambientais ou profesionais xa que esta son as que poden formar parte dun grupo de desenvolvemento rural. Dos catro eixes nos que se divide o PDR, a nosa comarca pertence ao plan Leader para o que a Consellería do Rural deseñou un mapa de Grupos de Desenvolvemento Rural, GDR, que integra a un total de 31 bisbarras e no que os concellos de Terra de Melide (Santiso, Toques Sobrado e Melide) forman o GDR-23. A súa misión principal consistirá na elaboración dunha estratexia de desenvolvemento comarcal.

## Unións Agrarias convoca unha xuntanza cos labregos para informar sobre o sector lácteo

*Na reunión tamén se tratou outros temas que afectan aos traballadores do agro*

Preto de 300 persoas asistiron á charla informativa que Unións Agrarias ofeceu no Hotel Carlos 96, a finais de febreiro, para coñecer de preto a situación na que se atopa o sector lácteo e interesarse por outras cuestións que afectan directamente ao seu traballo no agro.

Juan Noya, responsable comarcal do sindicato, e Javier Iglesias, Secretario da acción sindical de Unións Agrarias -UPA en Santiago, encargáronse de informar ao público alí congregado de cómo marchaba o mercado das cotas de leite.

Falaron do presente e do futuro deste sector sinalando que a evolución nos prezos do primeiro trimestre foron favorables aínda que as perspectivas para o segundo eran dunha posible baixada nas cotas. Sen embargo o tema no que máis fincapé se fixo recalou no documento emitido pola comisión de Agricultura da



Juan Noya e Javier Iglesias informaron sobre numerosas cuestións vencelladas ao eido rural

UE segundo o cal propónse un aumento do 2% nas cotas para a campaña 2008-09 pero tamén anuncia unha mala nova: a posible desaparición das cotas para a tempada 2014-15. Os representantes de Unións Agrarias manifestaron o seu total desacordo con esta medida e o seu apoio a continuidade das cotas.

Outras cuestións tratadas na xuntanza versaron sobre a devolución do imposto de hidrocarburos, a coñecida como *subvención do gasoil*, que é de 0,0778 euros por cada litro e que se pode tramitar dende a propia sede que o sindicato posee en Melide.

En canto as novas leis emitidas pola Consellería do

Rural, informaron sobre os plans de mellora de explotacións agrarias, a incorporación de mozos á actividade agraria, que contan cunha axuda de ata 20.000 euros por integración, ou do contrato de

explotación scontentable.

As axudas do PAC do 2008 e as novidades das cotizacións sociais no Réximen Especial Autónomo de Agrarios tamén se trataron nesta charla informativa.

### Evolución do sector lácteo

- A demanda de produtos lácteos continua o seu desenvolvemento favorable dende a reforma do PAC de 2003: máis produtos de valor engadido é menos manteiga.
- A oferta na UE non medrou a pesares dos incrementos da cota, por mor da baixa produción en algúns EM.
- Diminución en apoio (reforma 2003) sen baixar as rendas de produtores e operadores.
- Ano 2007: fortaleza nos prezos da leite, cotización favorables da manteiga e leite destonado en pó.
- Boas perspectivas de futuro co aumento da demanda previsible de produtos lácteos tanto na UE como a nivel mundial.
- O mercado será o que determinará o futuro do sector.

## Asociación Río Furelos acorda na súa V Asamblea Xeral Ordinaria as actividades para este ano

A Asociación de Troiteiros Río Furelos convocou a súa V Asamblea Xeral ordinaria, coa representación do 85% dos seus socios, para adoptar unha serie de acordos para este ano.

Entre as actividades que a entidade aprobou por unanimidade destacan a realización do terceiro Campionato da Terra de Melide de Pesca, facer o día do socio ou a realización de charlas informativas nos concellos da comarca como Toques ou Santiso.

A agrupación tamén acordou iniciar nos meses de agosto e setembro as súas

IV xornadas de Limpeza nos cauces fluviais, subvencionar aos socios os coutos da tempada 2008 no río Furelos así como entregar gratis aqueles correspondentes a tres xornadas de pesca completa.

Na xuntanza adoptouse ademais continuar cos talleres Montaxe de mosca e de culleriña nos meses de outubro e novembro respectivamente.

A Asociación de Troiteiros é unha das entidades que con máis socios conta na comarca, integrada na actualidade por 262 asociados.

### Remata a campaña de concienciación escolar

Por outra banda, a entidade finalizou a súa campaña escolar de concienciación co medioambiente. O colexio Nº1 acolleu o remate desta iniciativa que anteriormente se levantara a cabo nos outros dous centros escolares de Melide.

A través de documentais audiovisuais sobre o desastre do río Catusol e das xornadas de limpeza que anualmente realiza a asociación así como das charlas que impartiron o presidente do colectivo, Xabier Pazos, e o



Os membros da asociación no transcurso da asamblea

vogal, Xan Pérez, os alumnos poideron coñecer de preto a labor que está a desenvolver Río de Furelos no seu coidado polo medio ambiente.

A campaña foi moi ben acollida por parte dos escolares

que amosaron unha grande interese polo temática da natureza que quedou reflexado nas numerosas preguntas que lles relizaron aos membros da asociación ao longo destas xornadas informativas.

O desastre ecolóxico acontecido no Catasol provoca a súa veda nun treito de 15 kilómetros

## Comenza a tempada 2008 de pesca fluvial que durará ata mediados do mes de agosto

Os afeccionados a pesca están de enhoraboa xa que a partires do 16 de marzo iniciouse a época para poder practicar este deporte e que rematará o 15 de agosto.

Segundo informou a Asociación de Troiteiros Río de Furelos aos seus socios, unha vez coñecida a normativa para este ano emitida pola Consellería de Medio ambiente, os pescadores poderán practicar a súa arte no couto que vai dende a Ponte de Fraga, en Toques ata á romana de Melide.

A cota de captura será de 10 exemplares, cunha dimensión mínima de 17 cm, por persoa e xornadas que serán os martes, mércores, venres, sábados, domingos e festivos. Os luns e xoves son declarados inhábiles para a pesca. Os engados ou cebos que poderán empregar os troiteiros son tódos os autorizados agás a partires do 1 de xullo que deixa de permitirse a colocación do cebo natural.

As zonas prohibidas para realizar a pesca son o río Catasol, e os seus afluentes, nun treito



O Catasol está vedado por mor do desastre ecolóxico

que abrangue 15 kilómetros. Asemensmo tamén existirá veda no Furelos en preto de dous kilómetros dende a Ponte romana ata Portochao, na estrada dirección cara Piñor.

A Asociación Río Furelos renovou toda a sinalización do couto, en total cincuenta carteis, para indicar con maior precisión os sitios legais onde poder pescar. Os troiteiros e visitantes poderán ver os carteis indicativos, tanto nas pontes como nas pistas e pasales, todos oficiais co anagrama da

Xunta. O tramo vedado tamén dispón destas sinais de información.

### Reclamo de máis permisos

Nunha xuntanza mantida polo colectivo troiteiro en Toques para informar aos pescadores deste municipio da problemática dos coutos e da orde publicada por Medio ambiente, os afeccionados reclamaron a duplicación dos permisos na pesca. O Presidente de Río furelos, Xabier Pazo, explicoulles que era moi difícil obter máis



autorizacións posto que para acadalo requeriase legalmente a creación dunha canle de levinaxe para a cría das troitas pero aínda así Pazo amosou o seu compromiso de traballar para instalar esta infraestrutura.

### Campionato de pesca

Por outra Banda, a asociación celebrará o vindeiro 16 de abril o seu III campionato de pesca *Terra de Melide*, oó remate do cal haberá un xantar no que se darán os trofeos. A data límite para inscribirse neste evento é ata o día 6 de abril.

## Veciños de Melide poderán asistirán ao gran premio de fórmula 1 no circuíto de Montmeló

O Concello de Melide está a organizar unha viaxe ao circuíto de Montmeló, en Cataluña, para que os melidenses poidan gozar de preto do gran premio de fórmula 1 que anualmente se celebra nesta localidade e que supón unha das probas clasificatorias para acadar o campionato neste deporte.

A visita desenrolarase ente o 24 e o 27 de abril e unha vez alí os asistentes poderán presenciar os adestramentos libres do venres e os oficiais do sábado así como ver de preto a gran carreira do domingo na que participarán os grandes pilotos deste deporte como Alonso, Raikkonen ou Hamilton.

As persoas que asistan a este evento aloxaránse nun hotel de tres estrelas na zona de Lloret del Mar con almozos e ceas en cluídos. Todas as persoas interesadas poden informarse e anotarse no departamento de Cultura do Concello.

## O Cire de melide segue a loitar por acadar o liderazgo

No tres últimos partidos que disputou o FC Cire de Melide non coñeceron a derrota, unha boa sinal para que o clube azul da localidade teña cada vez máis posibilidades de chegar a ser os primeiros na táboa de clasificación da 3ª autonómica.

Aínda que o resultado có que se saldaron os encontros que os enfrontaron no campo contra o Perillo e posteriormente ao Boimorto remataron en sendos empates, o último partido foi todo un éxito para o equipo local.

No feudo do CD Dorneda os xogadores de Ramos sembraron o marcador dunha morea de goles encaixando na portería contraria un total de sete

goles. Tres puntos que resultaron moi importantes para o equipo, que cada vez ve máis preto rematar a tempada có ascenso á 2ª autonómica.

Dentro de poucos días haberá un dos derbis máis agardados polo seguidores do Cire xa que se atoparan cara a cara có seu rival máis forte de cara o liderazgo: o Ponte Carreira que ocupa o primeiro posto da clasificación na actualidade.

Os que si están a levar unha boa racha nos últimos partidos é a categoría dos Cadetes que gañaron tódolos seus encontros. Sirva de exemplo o que disputaron contra o Unión campestre aos que lles meteron nada máis e nada menos que 10 goles.

## CF Toques segue a pisar forte sen apenas coñecer a derrota

O equipo de fútbol toquense batíu o seu record levando seis partidos, máis dun mes e medio, sen coñecer o sabor amargo da derrota aínda que no último encontro esta boa racha trocou.

No partido contra na casa do Encrovas o CF Toques saíu do campo cun resultado de 0-3. A xornada comezou moi igualada pero o gol non tardou en chegar cando Carril bateu oa porteiro do Encrovas, para o resto dos tantos houbo que agardar ata a segunda parte na que Carril voltou a ser o protagonista do tanto. O último marcaxe chegou cando apenas faltaban uns minutos

para a finalización do encontro.

O seguinte clube contra o que se tivo que enfrontar o Toques foi o Atlético Perillo no que voltaron acadar a victoria cun 2-0. Con este triunfo o equipo encarrilabase con seis partidos sen perder e situábase na sexta posición da táboa con 40 puntos. Os xogadores que lograron esta fazaña foron os tantos de Migueliño *Penka* e Carril.

No último, disputado no feudo do Boimorto, a sorte non acompañou o CF Toques que foi derrotado por moi pouca vantaxe, 3-2. A pesares de perder, o equipo voltou a casa moi satifetio polo bó xogo que desenrolou.

**Publicidade  
no Cerne, o  
xornal da  
comarca**

Coñece as nosas  
tarifas  
publicitarias

**Chama ao  
981.506.188  
e infórmate sen  
compromiso**